

5. Z pjateje: někotre po zdaću jednore: namakać — namakach, -ka; praesens: nakhadžam, -džeš, -dža; zetkać, zetka atd.

6. Ze šesteje: zestajene, kotrež k iterativnej twórbje hišće jenu předložku přistajeju, n. př. nakupować — znakupować, aor. znakupowach, -wa; znaćahowach, zwotnošowach, donaćahowach, spowalowach atd.

## 2. Imperfekt.

Nětčiši serbski imperfekt njedawa tak jasnje swoje zesta-  
jenje widžeć, jako starosłowjanski, hdžež so -ěja, -ja abo -a ke  
kmjenej přistaja: (po Miklošiču) pletêach, nesêach, grebêach, pe-  
čaach, pnějach, bijaach; mrêach; dwignêach; želêach, gorêach;  
chwaljaach; dêlaach, pisaach, berêach, dêjaach; kupowaach; wê-  
dêach, dadêach, jadêach, bêach (imperfekt I) & bêch (imperf. II).  
Naše imperfekty tutych paradigmow rěkaju: plećeach, -ćeše atd.;  
njesech, (kładžeach), pječeach, pnyjach (pódla pinach), bijach, mě-  
jach; (wuknjeach), mějach, (wumějach, delnjoserb.), horjach, khwa-  
lach, džělach, pisach, bjerjeach, nadžějach so, (předžějach, aorist.  
předžěach, wodžěach), kupowach, wědzach, jědzach, běch (běše & bě).

Imperfekt pak tworja pola nas jenož imperfektivne  
słowjesa, potajkim wšitke durativa, iterativa a frequenta-  
tiva; wězo tež incohativa, abo z druhimi słowami: te same  
słowjesa, kotrež maju woprawdžite praesens (tež po wuznamje).  
Přirunaj horjeka: Přitomnosť. Partic. praeter. hl. 1891, str. 135.

Přećiwo duchej serbskeje rěče tworjene słowjesa a njetrěbne  
zestajanki z adverbialnymi předstawkami na měsće před-  
ložkow nałožuje drje lud a twori tež imperfekta, ale z pisma  
dyrbja so cyle wumjetać. Tajke předstawki su: dele & horje,  
won & nutř, hromadu & hromadže & różno, prjedy, přědk &  
„wysokoserbske“ prjódk; sobu, doma; dele činić = hanić, dele-  
brać = spadować atd., horjeklasć = napołožiť, horječahnyć =  
kublać, horjestanyć = wstanyć, postanyć, wot mrtwych wsta-  
nyć atd., zežiwjeć, horjebrać = přijěć, so starać atd., so horje-  
džeržec = přebywać, wondžeržec = wudžeržec, wonhladać = na-  
pohlad měć, nutř stajić = załožiť, nutř namakać so = přińć, hro-  
madu stajec = zestajec, hromadže džeržec = hromadzić, so  
zjednoćić atd., różno džělic = rozdžělic, prjedy prajić = před-